



©STEVE CREITZ - PROPHECYART.COM

E TRIUMFO DI DIOS SU AMOR

“Y mi a tende un bos duru for di shelu bisando, 'Mira, e tabernakel di Dios ta ku hende, i E lo biba meimei di nan, i nan lo ta Su pueblo. Dios mes lo ta ku nan i lo ta nan Dios. Y Dios lo seka tur lágrima for di nan wowonan; lo no tin morto mas, ni tristeza, ni yoramentu. Lo no tin mas doló, pasombra e promé kosnan a pasa' ” (Revelashon 21:3, 4,)



E gran kontroversia, Satanás su rebelion kontra di e gobierno di Dios, rápidamente ta yegando na un fin.

Nos no a wòrdu lagá den e sukú tokante di ki manera e konflikto lo terminá: Dios ta gana, Satanás ta pèrdè.

Asta e detayenan di e último batayanan a wòrdu klaramente deskribí den e Beibel.



- ➡ **Tempu di angustia i liberashon.**
- ➡ **Tempu di teror i goso.**
- ➡ **Tempu di desolashon i huisio.**
- ➡ **Tempu di bida i morto.**
- ➡ **Tempu pa stima i wòrdu stimá.**

TEMPU DI ANGUSTIA I LIBERASHON

"Ai! Pasombra e dia ei ta grandi, asina ku no tin ningun kompará kuné: esaki ta asta e tempu di Jakòb su angustia, pero é lo wòrdu salbá for di djé" (Jeremias 30:7)

"Nos ta bibando den e tempu di e fin. E señalnan di tempu ku ta kumpli lihé ta deklará ku e binida di Kristu ta serka na man. E dianan den kual nos ta biba ta solemne i importante." (EGW, TI9, 11) . Kiko e eventonan aki lo ta?

Rev. 22:11



E prueba(huisio) ta kaba i tur kaso ta disidi. E porta di gracia ta sera.

Isa. 8:21-22; Jer. 30:7



Tempu di angustia. E malbado ta aktua sin restriksion moral, i e hustu no sa si nan a wòrdu pordoná.

Rev. 15:7-8; Salmo 27:5



E último 7 plaganan ta kai riba esnan no repentí. Dios Su pueblo ta wòrdu kuidá i protehá.

Rev. 16:14; 1Juan 3:2-3



Kada grupo ta prepará pa topa Hesus. Algun pa bringa kontra di djé; e otronan pa risibiÉ ku goso.

Ora ku Hesus ta konkluí Su trabou di mediashon i e Spiritu Santu ta alehá for di e esun no repentí, kada persona su destino lo ta seyá. Esnan fiel lo sigui haña yudansa divino i protekshon, mientras ku e malbadonan lo ta na e miserikòrdia di Satanás. Kada unu lo muestra ku su karakter ken el a disidí pa sirbi.

TEMPU DI TEROR I GOSO

“Y a bisa na e serunan i barankanan, Kai riba nos, i skonde nos for di e kara di Esun ku ta sinta riba e trono, i for di e furia di e Lamchi” (Revelashon 6:16)

Nan a rechasá e Lei di Dios; Nan a rechasá e awa bibu i a koba pa nan mes “ rembaknan kibrá” (Jer. 2:13).

Awor nan ta bini kara kara ku e Hues. Nan lo por spera solamente furia i kondenashon. Ken lo libra nan? (Isa. 2:19; Rev. 6:16).



“ Y lo wòrdu bisá den e dia ei, Mira, esaki ta nos Dios; nos a spera riba djE, i E lo salba nos: esaki ta Señor; nos a spera riba djE, nos lo ta kontentu i lo regosihá den Su salbashon” (Isaias 25:9)



Nan tabata fiel na e Lei di Dios; Nan a bebe di e awa di bida (Rev. 21:6). Awor nan ta mira kara kara ku nan Hues. Nan por spera solamente pa salbashon. Kon nan lo por keda sin lanta den adorashon? (Isa. 25:9; Rev. 15:3-4).

Satanás ta rabiá ku e remanente (Rev. 12:17)

E ta pone tur hende ador'E i obedesé Su leinan (Rev. 13:15-17)

E remanente ta keda fiel na e Lei di Dios (Rev. 14:12)

Prepará e mundu pa bringa kontra e Lamchi (Rev. 17:12-14)

E ta prepará pa topa su Dios (Amos 4:12)

Hesus ta destruí tur su oponentenan na Su Binida (Rev. 19:11-15)

Hesus ta hiba kunÉ esnan kende a kere den djÉ (Rev. 19:6-8)

TEMPU DI DESOLASHON

“ E tera lo ta kompletamente bashí, i kompletamente geplùnder:
pasombra Señor a papia e palabra aki” (Isaias 24:3)

Ora ku Hesus bini, e santunan di tur siglonan lo wòrdu resusitá; i e fielnan bibu, ku a wòrdu transformá, lo subi ku nan pa bai Shelu ku Hesus (1Tes. 4:16-17).

E malbadonan lo muri den e presensia di Hesus. Nan kadavernan lo keda no derá, i, finalmente, ningun rastro di bida lo keda riba Tera (Jer. 25:33; Rev. 19:17-21; Jer. 4:23-26; Isa. 24:3).

Na e tempu ei, Satanás i su angelnan lo ta será den e abismo pa mil añanan, ínkapas pa engañá kualke hende (Rev. 20:1-3).

E abismo (*abyssos*, lugá di skuridat), ta deskribí perfektamente e situashon riba Tera na e tempu ei. Sin bida humano den djé, ningun demoño lo tenta. E lo ta un tempu di reflekshon pa e angelnan rebelde, mará pa medio di e kadena di sirkumstansianan, sin e posibilidat di por laga(bandona) e Tera desolá.



TEMPU DI HUISIO

" Y mi a mira trononan, i nan a sinta riba nan, i huisio a wòrdu duná na nan; [...] i nan a biba i a reina ku Kristu pa mil aña " (Revelashon 20:4)

Si e Huisio a wòrdu selebrá promé ku e Segunda Binida, i Hesus ya kaba a ehikutá e sentensia, dunando bida etèrno na esnan kende a kere den djÉ... Ki sentido e huisio nobo aki tin?

Pa siglonan, Dios a mustra Su amor i a ofresé salbashon na kualke hende ku lo risibié. Tambe el a permití maldat pa desaroya kompletamente.



Durante di e Huisio, tur e mundunan i e angelnan fiel tabata kapas pa testiguá e hustisia i misericòrdia di Dios den Su tratunan ku piká i rebelion. Awor, nan tin nan dilanti e resultado real di dominio(regla) satániko: un pais(nashon) bashí i desolá.

Pero esnan di nos kende a biba den e enemigu su teritorio durante di e konflikto, awor redemí, tambe lo tin ku testiguá e hustisia i e misericòrdia di Dios. Den e huisio di mileño nos lo ta asina kompletamente konvensí di Dios Su amor ku maldat nunca mas lo lanta atrobe (Nah. 1:9).

TEMPU DI BIDA I MORTO

“ Pasombra, mira, e dia ta bini, ku lo kima manera un forno; i tur e hendenan arogante, si, i tur ku ta hasi kosnan malamente, lo ta bagas: i e dia ku ta bini lo kima nan, e Señor di ehérsitonan ta bisa, asina ku ni nan rais ni nan rama lo no keda ” (Malakias 4:1)

“ Pero na boso ku ta teme Mi nòmber e Solo di hustisia lo sali ku kuramentu den su halanan; i boso lo sali afó, i krese manera bishénan for di stal ” (Malakias 4:2)

Na e fin di e mileño, e malbadonan ta wòrdu resusitá. Nan ta aseptá Satanás su direkshon atrobe, i ta bringa atrobe kontra Dios i e santunan. Nada no a kambia, i tur ta wòrdu destruí dor di kandela (Rev. 20:5-9).

Pero promé ku nan wòrdu destruí, un huisio final ta wòrdu tené. E bukinan ta wòrdu habrí, i kada un ta rekonosé den nan nan akshonnan i nan rechaso di e yamadanan amoroso di e Spiritu Santu. Tur ta aseptá Dios Su hustisia, i ta bùig nan rudianan dilanti di djÉ (Rev. 20:11-13; Isa. 45:23; Fil. 2:10).



Leu for di biba eternamente (pa wòrdu kastigá eternamente), nan ta sufri un “ di dos morto, ” for di kual no tin ningun resurekshon (Rev. 20:14-15; Salmo 37:20; Mal. 4:1; Isa. 26: 14).

Morto i piká a kaba. Ta tempu pa seka tur lágrima i gosa di bida etèrno i felis (Rev. 21:4).



TEMPU PA STIMA I WÒRDU STIMÁ

“Señor a paresé for di leu aya na ami, bisando, Sí, Mi a stimabo ku un amor etèrno: pesei ku miserikòrdia Mi a halabo” (Jeremias 31:3)

Y kiko nos lo hasi riba e Tera Nobo pa tur eternidat?

E krus di Kristu lo ta e sensia i kantika di e redemíanan dor di henter eternidat.

Riba [...] sabananan pasífiko, na e rant di [...] roinan bibu, Dios Su pueblo [...] lo haña un hogar

Einan intelektonan inmortal lo kontemplá ku delisia etèrno e maraviyanan di poder kreativo

Tur fakultat lo wòrdu desaroyá, tur kapasidat oumentá


E atkisishon di konosementu lo no kansa e inteligensia òf kansa e energíanan

E empresanan di mas grandi lo ta kapas pa wòrdu realisá, e aspirashonnan di mas sublime lo wòrdu satisfasé, e ambishonnan di mas eksaltá lo wòrdu realisá.

Halturanan nobo lo lanta pa vens, maraviyanan nobo pa atmirá, bèrdatnan nobo pa komprendé, ophetivonan nobo ku ta sleip e fakultatnan di e spiritu, alma i kurpa.

Nan ta kompartí [ku sernan no kaí] e tesoronan di konosementu i komprendementu atkerí durante di siglonan i siglonan den e kontemplashon di e obranan di Dios

Ku vishon kla, nan ta konsiderá e gloria di Kreashon: solonan i streanan i sistemanan ku, den e òrdu asigná na nan, ta sirkulá e Trono di Deidat



**“E gran kontroversia ta kabá(será).
Piká i pekadornan no tei mas. E
universo kompleto ta limpi. Un
pulso(pòls) di harmonia i alegria ta
bati dor di e enorme kreashon. For
di Esun Kende a krea tur, bida i lus i
alegria ta kore, dor di henter e
esferanan(dominionan) di espasio
sin límite. For di e atom di mas
minúskulo te na e mundu di mas
grandi, tur e kosnan, animá i sin
bida(sin gracia), den nan bunitesa
sin sombra i goso perfekto, ta
deklará ku Dios ta amor.”**

